

安

山

之

卷

(一)

欽
平
和

知
覺

PDG

景印『中國省誌彙編』緣起

志書創例，起源於專門類項之記載。班固漢書立紀表志傳四體，以書總全史之名，紀則敘大事始末，表則明爵里世系，傳則詳人物情事，志則記專類細別。後之史家，多承其風，二千年來，相沿為正史體例。惟志在概括專門文獻，撰述綦難，若天文、律曆、輿地、河渠、禮樂、刑法、職官、選舉、食貨、藝文等志，各具專門特性，設非博學淵識，實難蒐羅完備，裁制精當，敘議亦難期清晰。故若干正史，或竟畧而不書。

以志為專書總稱，倡自陳壽三國志與常璩華陽國志，實則均應為分國之志。後世契丹國志，大金國志，俱仿此而作分國之專史。既為分國之志，實亦含有地區之意。一國之專史，即一方之專史，以國為類性，即以方域而區分。就性質而言，華陽國志與魏志、吳志、蜀志、實為產生方志之本源。然則狹義之方域志，自應以唐代李吉甫元和郡縣志為先驅。唐宋以降，地方專史，代出不絕，亦日漸細密。

自鄭樵通志問世，志則一變為包羅古今全史之書，凡歷代紀事方畧典章，無不備集，通志者即異通史也。至是志書之義，遂涵賅三種類性，一則專門別類之史，如粵海關志，湘軍志等是。一則分國地域之史，如吳郡志，海國圖志等是。一則總括通叙之史，如八旗通志，貿易通志等是。而志書體裁，亦繁衍至廣，門類日繁。

通志而為一省專史，乃明代以後之事，而以清代最發達。唐宋以迄民國，地方史志，無慮數千

種，實以各省通志最具規模，體例完密，卷帙浩繁。不似其餘府州縣志之長短不齊，簡繁不一者。蓋省志修纂，多徵專門名家，而人才萃集省會，並能共襄厥成。清代督撫地方首長，多以維繫文風競尚，每重視修志，~~務期~~責。藉其地位聲望，均有助於釀巨資而便採訪。一書之成，恆數年十數冊始行付梓，故~~能~~審慎，~~篇~~宏富，足備徵考。

近年國內重印舊籍，極為普遍。經史子集，叢書類書，殆無不涉及。巨製迭出，蔚然風靡。有功於出版事業至大。惟地方史志，所缺尚多，而需求日廣，復以方志數量之鉅，與品類之雜，如不加選擇，難期周妥。敝局同仁，擬就重點方式，循序而行，先經慎選其極重要之全國省志，都三十七種，合輯為「中國省志編彙」，以呈獻於學術界，共策廣布流傳。估計總量，實在大清歷朝實錄一倍以上，不僅可推為地方史志之淵藪，且亦足彌各界學人之雅望。謹書緣起，以申趣嚮。

本局編輯部 謹識

中華民國五十六年（一九六七）八月

光緒三年
夏五重刊

序

聖人嗣極之三年皖重修通志
成壽山按軍咨予為之敘余維
完於春秋特吳楚間隙地耳一
彼一此惟强者是從求佇宿之安
不可得自漢迄唐代有偉人而

重修安徽通志序

十

淮南淮西及霍多爰生斯土者
或逞其聰明材力囿於風氣而不
自知宋之南新安朱氏出挈洙泗
鄒繹淵源而歸之皖舉三代而
下率土之濱以豪傑自命者鞠
躬屏息莫之敢爭則其山川之所

孕育明德之所積累至知其必有
異也有明龍興攀鱗附翼之英
里閑相望與豐沛南陽比烈我
朝中葉髮捻事起賢士大夫以兵
燹條生為天下禦灾捍患者湘始
之皖繼之皖之才縣海內安危者

重修安徽通志序

二

垂數十年豈不盛哉而壽山按
軍猶歿汲於徵文考狀與都人
士京年累月遠紹嘉搜者甚非
網羅散失震鐸古今之謂其沼道
統所寄前指非多敘劉健於粹
精實節制以仁義舉智名勇

功士士納諸賢闡聖域優乃游
焉讀紫陽之書而有餘思焉登
紫陽之堂而無愧色焉嗚呼遠矣
光緒三年丁丑五月五日

侯官沈葆楨謹敘



光緒三年夏五月重脩安徽通
志局提調官莊守孫敏以書成見
告凡為類十類之中歧為子目
數十者為卷二百五十四可付刻
刪于是距陶文毅公創脩之日閱
五十年寒暑矣當文毅接安徽

以晚主專志爰創是舉始於道光
癸未而成於咸豐方是時華
國家累葉治隆之好海內殷富
考輿地文從容討論文毅主而
鄧嶧筠制軍繼之致之弗供乃
復別成一書魏給之江南江蘇兩

行省並列爲三其志意可謂勤且
美矣自書成後甫二十年而兵事
起安撫當吳楚徐豫之衝寇氣
瀕汭髮蹂於南擒熾於北列城數
十全者少能一二賴其傳世出字以
廟謨昭武臣力勦馳角逐盡瘁

疆場首尾又幾二十年事乃大定
而余適奉

命陳臬是邦時新建吳竹莊方
伯權撫部懼兵燹之後久所放
失乃有重修通志之志經始於
同治己巳而告成於光緒甲午

數年前全皖用兵疊臣叩臣爲

朝廷宣力敵悍軍者旁午日昃

不遑以嘗有月刻之間從事文籍

間哉而余乃茲承諸公之命兵銷

時和得以考訂徵文如文毅時

其爲皖人慶幸何如也文毅嘗

創始之始未竟事以步而余於

陳臬時即佐星使仰承

恩命晉領節鉞綿歷歲時而先

董其成殆視文毅尤有幸焉夫

季用兵之後纂續數十年之故

實博攷旁稽上以昭著名臣

得之豐功偉績下以表揚節節
個羅廣陸闡出後徵以慰邦人士
志是巡撫之職也梓茲于是乎書
撫皖使者長白裕祿謹銘



通志政書也即列國之史也古者
國別為史若晉之乘楚之檮杌魯
之春秋皆是

國家建立行省以布政司綜郡邑
之政行之今者則為吏事行之昔
者皆為掌故吏攷周制六官聯事

而受成於冢宰當時列國官守分
合略法王朝故今日中外政教自
六部以下逮六曹胥史皆本六官
遺意周官外史掌方志而古之所
謂行中書省攷官制者以布政司
當之然則舉措之宜責於布政司

古今之蹟備於通志質之經訓求之成憲源流之合可案籍而稽也安徽負江淮之勝面瀟霍之勢蓋嶽瀆之雄邦也三國六朝衿喉控制文武材用政治盛衰為天下安危所繫與中原交錯而提挈之我

朝自今設巡撫後布政使亦還治安慶始與江蘇江西目為三江壘域之辨正官司之汰守人物之殷蕃財賦之出納安徽之志即安徽之史也陶文毅公創修前志承江南通志而加詳焉閱五十年中更兵

發文獻散落官牘墜廢前布政使新建吳公有憂之於同治八年方署理巡撫部院亟以重修通志入告得請後延訪耆舊禮聘文儒開局於省城惟時兵甲甫定覲文而匿武遺書殆盡學士流離視文毅

之時其為難易不可以數計然而大府總成於上監司課功於左右守令搜輯於下賢士大夫方聞風學纂述不休遂巡八九年間而後續舊不廢備載近事而三百五十卷之書剞劂以就時紹誠承乏布

政使者且三年矣不及慮其始而樂觀厥成豈非不朽之盛事哉通志政書也即列國之史也經緯宙合之大不以一隅而小盧牟方策之載不以封域而隘曰在德不在險而山川之氣自壯曰有人此有

土而賢豪之生接踵曰謀國以禮而學問以為林淵曰為政在人而事功耀於今古自夫史失其職學無本原輓近之世至以縣府省志等諸山經地記資考古而備屬文無復知其為行政之書列國之史者

則措施之宜無所衷古今之蹟無所統紹誠忝布政司之位兢兢焉恐不舉其職觀重修通志之成不敢以空文視之一質之經訓一求之成憲而樂書其隙穴之見以為之敘

光緒三年歲次丁丑季春月既望

安徽布政使司布政使紹誠

謹撰



重修安徽通志序

安慶舊府治也康熙中設巡撫駐節於此遂為安徽省復設藩臬兩司如各直省之例又分南北為兩道其疆域跨有江淮上承楚下臨吳南帶浙北連豫水陸之襟喉山河之形勝也至同治中又增置安廬道割南道之安慶北道之廬

重修安徽通志序

三

州滁和四府州隸之建置甫定歲戊辰予適奉

恩命承乏是職維時前方伯署巡撫新建吳公甫有重修安徽通志之議經始於予蒞任之明年十閱寒暑至光緒四年全書告成予方由臬司署藩司例得弁言簡端夫通志之作非徒紀山川人

物備他日作史者取裁之資而已實欲使官斯土者無事考其盛衰得失思所以補救之方有事覽其治亂險易求所以備禦之策政治龜鑑於是乎在況上溯陶文毅公創修之初距今已五十餘年中值髮逆倭擾安徽當其衝苗逆又繼之被害最久且遍文獻之徵百不一

重修安徽通志序

四

存是通志之修不可緩而在安徽今日尤不可緩今得在局諸君朝夕編纂始終不懈又得大中丞裕公與諸當事督率講求以觀厥成不可謂非官斯土者之幸與後來者之幸也其間體例視舊志因多創少惟於兵事加詳其忠義節烈二門得諸採訪者較原書多至數

倍則風俗之美與

國家教澤涵濡之深且久更可見其一
端至於人材奮興雲蒸虎變鬱為隆棟
紀於太常一時之盛幾莫與京此蓋天
人叶應鍾毓效靈天下後世皆豔稱之
無俟予之揚摧者已謹序

光緒四年正月署布政使司按察使吳

重修安徽通志序

五

興王思沂撰



重修安徽通志序

從來作史必採方志而撰志必先人才
不採方志則史失之荒故孟堅地里志
吉甫郡縣志風土所關不厭詳盡也不
先人才則志失之陋故後漢三國志五
代列國志紀傳所編獨得要領也方言
下及芻蕘辟典競推賢俊可見一志之

重修安徽通志序

六

成無不以人才為汲汲者第才之生亦
極難矣造物生才原不擇地然才之生
與不生或間生或並生或散布而生或
合併而生胥視地脉之興衰以驗人才
之消長地靈者人傑此理灼然有可據
者今觀夫皖省通志而嘆人才之盛蓋
自與江南分志後至此大發其光者也

皖省襟帶江淮扶輿清淑之氣鬱久必發靈秀所鍾人才蔚起不遇其時斯隱而不見耳自洪逆騷擾士之戮力行間者湘始之淮繼之首尾十餘年間翦除大憝削平小醜宇宙安危繫焉迄今邊塞尚賴其用重洋亦懾其威其傑出者調鼎鼎秉節旄股肱心膂內而首輔外

而制撫提鎮乃文乃武爾公爾侯下至窮鄉僻壤捐軀殉節榮邀

旌卹者幾於書不勝書嗚呼盛矣竊思三代以來論才者尚已五臣十亂莫盛於周然才難一嘆尼山深然之他若共和輔政王謝經邦李郭造唐韓岳繫宋落落者祇此數人布在史冊間惟雲臺

佐二十有八亦云盛矣然猶可屈指數也從未有萃於一方起於一時同袍同澤雲合風從合疏附先後奔走之才悉備禦侮之用直似才難一語由今較昔尚有不盡云然者而皆於皖中人物志彷彿遇之非甚

盛世胡克臻此玉坦承乏是邦多厯年

所目覩夫師師濟濟不朽盛業備載國史可法可傳皆由我

國家棧樸菁莪教養涵濡二百餘年之久熙熙乎陰陽協應上下感孚以故天不愛道地不愛寶人亦不靳其才今續修告成竊幸躬逢盛事不禁襲軒鼓舞而振筆書之若夫溯源流分例類辨風

俗明政治標沿革以知利弊參損益以
定時宜諸序述之詳矣茲不復贅云

光緒三年長至月署安徽按察使司分

巡鳳潁六泗兵備道胡玉坦謹譔



皖之為省襟山帶江江濛洄而毓秀

山蘊蓄而多奇故其發於人文也亦

皆和平而溫厚磊落而嶄嵒自考亭

朱子以來潛心聖賢之學致身廊廟

之間粹然以德義自見者指不勝屈

盛矣哉千百年蘊玉懷珠其山川奇

秀之氣為何如耶然而旗常彪炳凌

重修安徽通志

序

序

跨古今旋乾坤而浴日月者今為獨

盛迨粵賊蹂躪東南皖陷賊窟高文

典冊一炬無遺遂使古哲之英風今

賢之偉業山河之扼要道里之紛歧

以及忠臣孝子名宦鄉賢節婦義夫

高人逸士皆將湮沒而無聞嗟嗟前

人之風徽後人之模楷也前事之範

園後事之車鑒也設非藉編簡以昭垂後之人其將何以徵其信哉辛酉歲逆賊蕩平搜集遺篇十亡八九於是前署中丞新建吳公首聘名流重開志局而今大中丞長白裕公踵而成之凡夫宇宙偉人古今奇績小而方技貨殖大而循吏名儒罔不採擇

搜羅使無遺珠之憾戊寅年冬全志告成事增於舊文盛於前闡幽明微搜巖剔穴揚芳型於千古擅信史之三長至其考證精嚴校對詳細猶為餘事耳予不文幸承

天子命蒞斯土追隨士君子之末得窺斯志之全於以嘆斯土山川奇秀

之鍾於人文者方興未艾而斯志之昭垂亦將與斯土之山川並傳不朽後之人欲徵其信者其以斯志為正鵠是為序

光緒四年春仲長白覺羅成允謹撰



敘

方志之作尚矣網羅散失滯
集舊聞為史者資焉以著錄
家以入史部然傳志蓋寡至
嘗攷求鄉邦文獻見前史有
廬江七賢傳訪其書不得以為

重修安徽通志序

三

綿世既遠及觀明史列江南
諸府志今之未之見也獨宋羅
願名有史料其為新安志頗自
喜而今尚存餘三傳者蓋不
獨一方然也漢之疆也則向言域
外宋贛條風俗班氏資以為志

澤書行而向贛之說止蜀之啓土
揚戲陳衍之後名著書論蓋部
人物陳氏實以為傳三國志行而
戲稱之書止自是以來言方志者博
矣其見於晉隋唐史者百不一二
存焉由宋迄明十不一二存焉豈

重修安徽通志序

四

執簡之士類非羅願者桂歟意
亦限於方隅固不足以傳世而行遠
歟安徽故無通志國初江南左
布政司寄治江甯而巡撫以操江
駐節池州安慶不為行省原熙
中巡撫還鎮岳慶又改江南左布

政使爲安徽布政使矣而使司猶
在江甯逮乾隆間始移司東治故
雍正七年 詔天下布政司兼脩通
志而安徽猶以統於江南不別爲志
及道光初長沙陶文毅公按皖乃
創爲之洪秀全反盜據安慶者
九年官私文籍掃地盡矣亂定
數年前中丞英公方伯吳公謀議
於衆疏請開局招文學績前志爲
書經始於同治八年而今中丞裕公
方伯紹之繼爲之越九年爲光緒
三年書成增換舊文附益新事

義例至爲精審信乎其宜史才可
傳以久者也嘗用兵之浚井邑墟
人民流文物聲明不承其故而旌
拾殘遺傳載盛美豈第以紀方
隅之故實爲後世史官之要刪夫亦
濟進邦人使咸有述也安徽跨江
淮爲境名山峻嶺蘊蓄精美人文
之興著自前史入國朝瑰人
傑士浚先煥蔚經師若婺源
江氏保甯戴氏文章若桐城方
劉姚氏皆所謂特立於一時而不
泯沒於後代者其他名德碩望